



**Francisci De Fargna Civitatis Plebis Patrii Philosophiæ,  
Sacræ Theologiæ, ac J. U. Doctoris ... Commentaria In  
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de  
Romæ, M. DCC. XIX.**

Casus VI. Argumentum. Si Juspatronatus pro una Voce spectet ad duas Familias, & pro alia Voce ad Monasterium Regularium, an duæ Familiæ possint inter se convenire de alternis vicibus præsentando sinè ...

---

[urn:nbn:de:hbz:466:1-72172](#)

Iaicum. Garz. ubi supra, Vivian. de Jurepat part. 1. lib. 1. cap. 3. num. 18.

- 3 Ego verò unà cum Cardinali de Luca, ubi supra censeo in theorica esse veriorē, & probabiliorem sententiam Lotterii, non solum quia Turnus non dividit mixturam Jurispatronatus quo ad proprietatem; sed etiam quia præsentationes, quas facit Ecclesiasticus in suo Turno, non facit eas jure proprio, & privativo tantum, sed communi etiam nomine Patroni Laici, cùm Turnus in substantia nihil aliud importet, nisi quod unus Patronus in uno Turno præsentet personam sibi benè visam de præventivo consensu alterius Compatroni, ac si iste se perpetuò obligasset qualibet vice adhærere, & consentire in illam personam, quæ ab altero Patrono pro tempore contigerit præsentare.
- 4 In praxi verò sequenda, & tenenda est sententia Garziæ, quæ fuit amplexa non solum ab aliis Doctoribus, nimurum à Vivian. de Jurepat par. 1. lib. 1. cap. 3. num. 18. Barbos. de Jur. Eccles. lib. 3. cap. 12. num. 17.; sed etiam in Foro à S. Rota decis. 362. num. 11., & decis. 383. num. 15., & decis. 432. num. 20. coram Priolo, & decis. 9. num. 29. coram R. P. D. Ansaldo.

### ARGUMENTUM.

Si Juspatronatus pro una voce spectet ad duas familias, & pro alia voce ad Monasterium Regularium, an duæ Familiae possint inter se convenire de alternis vicibus præsentando sine consensu Monasterii; Et si fiat transactio super divisione simultaneæ Juris præsentandi per Turnum inter Abbatem ejusdem Monasterii, & dictas Familias absque Beneplacito Apostolico, & consensu Monachorum, an ipsa sustineatur, & afficiat Successores.

### S U M M A R I U M.

- 1 Præsentatus à majori parte Patronorum, venit instituendus; & num. 9.
- 2 Patronus divisionem juris præsentandi per Turnum facere nequit absque consensu alterius Compatroni; & num. 15.
- 3 Patronus præsentans in suo Turno cum subsequuto effectu, jus, & vicem suam consumere dicitur.
- 4 Præsentatus ab existente in Turno dicitur habere omnium Patronorum voces.
- 5 Alternativa conditionatè inita inter Patronos remanet in suspenso, quo usque non superveniat conditio; & num. 11.
- 6 Juspatronatus si pro una voce spectet ad duas Familias, & pro altera ad Monasterium; Due Familiae possunt inter se convenire de alternis vicibus præsentando absque consensu Monasterii.
- 7 Transactio, seu concordia alternis vicibus præsentandi inita inter Patronum Iaicum, & Abbatem Monasterii absque Beneplacito Apostolico, & consensu Monachorum, an sustineatur, & afficiat Successores? Vide ibi, & num. 8.
- 10 Patronus ex ultima præsentatione effectuata dicitur constitutus in qua se possessione præsentandi.
- 12 Quæ sit differentia inter dispositionem modalem, & conditionalem Vide ibi.
- 13 Alternativa cum sit contractus perfici non potest nisi ex mutuo contrahentium consensu.
- 14 Alternativa exigit ut jus nominandi spectet ad Turnarium, non vero ad Patronum carentem Turno.
- 16 Patronus expletâ præsentatione non potest quidquam præjudicare Præsentato, vel aliquid de ejus juribus diminuere.
- 17 Filius Compatroni in paritate vocum preferitur extraneo.
- 18 Præsentatus usurpans propria auctoritate possessionem Beneficii in vim solius nominationis incidit in pœnam Cap. Avaritiae de elect. in 6. secus si illam apprehendat post Institutionem ab Ordinario reportatam.

### C A S U S VI.

**C**ompedit ex lege fundationis Juspatronatus cuiusdam Beneficii pro una voce duabus distinctis Familii, & pro

pro altera voce cuidam Monasterio Regularium. Istae duæ Familiaæ unanimiter convenerunt inter se absque tamen consensu dicti Monasterii, alternis vicibus præsentare; nimirum ut prima vice Jus præsentandi pro dicta voce spectaret ad Familiam A, & secunda vice ad Familiam B. Vacato Beneficio illi de Familia A ad formam hujusmodi concordiaæ præsentarunt ad illud unâ cum Regularibus dicti Monasterii idoneum Sacerdotem; per cuius obitum iterum vacato Beneficio, iterum etiam illi de Familia A unâ cum eisdem Regularibus præsentarunt alium Sacerdotem; Econtra illi de Familia B præsentarunt alteram personam idoneam, quæ obtinuit à Summo Pontifice Gratiam pro Præsentato cum derogatione alterius medietatis vocum: Quæritur an hujusmodi Gratia sit exequenda.

Quod non sit exequenda suadere videatur animadversio, quod Præsentatus ab eis de Familia B. obtinuit hanc gratiam, cum falsa expressione, quod fuerit Præsentatus à medietate Patronorum, quando fuit solùm Præsentatus ab eis de Familia B; non verò ab his, & ab illis de Familia A, qui unitim constituunt unam ex supradictis vicibus à Fundatore relictis, & medietatem Patronorum, ac proinde tamquam subreptitia executionem minime meretur, sed potius instituendus venit alter Præsentatus, qui cùm numeret pro se integrum vocem Regularium; & medietatem alterius vocis spectantis ad utramque supradictam Familiam, Præsentatus dicitur à majori parte Patronorum ad Text. in cap. Quoniam de Jurepat. de quo supra Part. II. Can. III. & alias Auctoritates ibi in Commentario relatas.

Absque eo, quod subreptio hæc evitari possit ex Alternativa; quoniam ista videtur nulla, quia fuit inita inter præfatas Familias; irrequisito penitus Monasterio, & absque hujus consensu, qui pro validitate actus requirebatur, dum unus ex Compatronis divisionem Juris præsentandi per Turnum facere nequit absque consensu alterius Compatroni juxta Rocc. de Curt. de Jurepat. verb. Jus num. 11. Rot. in Hispanen. divisionis simultaneæ 4. Junii 1700. §. I. coram Eminentiss. Priolo, & in Pistorien. Beneficii 27. Martii 1716. Pars IV.

§. Alia etiam coram R. P. D. Cerro.

Sed veritas est in contrarium; subsistit namque quod Præsentatus ab eis de Familia B sit Præsentatus à medietate Patronorum; si quidem cùm in concordia facta inter utramque Familiam fuerit conventum, ut vox eis relicta alternis vicibus expleretur, planè consequitur in præsenti vacatione dictam vocem ad Familiam B pertinuisse, cùm in proxima præcedenti vacatione illi de Familia A pacificè, & cum effectu præsentando vicem, & jus suum consumpserint.. Urceol. de Transact. quæst. 27. num. 4. & seqq. Gratian. discept. 65. à num. 41. ad 45. & num. 74. Rot. decis. 382. num. 28. coram Bisch. & decis. 65. num. 10. coram Ottobon. & in Cracovien. Parochialis 28. Junii 1706. §. De validitate coram bo. me. Molines, & in Gerunden. Jurispatronatus prima Junii 1715. §. Subsistit coram R. P. D.

4 Lancetta; Et consequenter Præsentatus à Familia B existente in Turno habere dicuntur integrum utriusque Familiaæ vocem juxta Card. de Luci. de Jurepat. disc. 41. num. 2. Rot. decis. 118. num. 1. part. 18. rec., & in Valentina Beneficii 29. Januar. 1717. §. Siquidem coram R. P. D. Falco-nerio.

Neque huic transactioni, & concordia de alternis vicibus præsentando obstatore potest defectus consensus Monasterii. Etenim concordia hæc non fuit stipulata inter illos de utraque Familia, & Monasterium; quo casu certò equidem necessarius fuisset consensus Monasterii pro validitate transactionis, ex auctoritatibus superiùs in contrarium relatis; neque fuit facta inter illos de utraque Familia conditionatè, & sub conditione consensus Monasterii; dummodo videlicet ap-

3 probaretur à Monasterio, quo casu pariter necessarius fuisset consensus ejusdem Monasterii, qui quoisque non superveniret, semper alternativa remaneret in suspenso ut tuerit S. Rota in Pistorien Beneficii 27. Martii 1716. §. Non inquam cum seq. coram R. P. D. Cerro hic im-

6 pressa; Sed fuit dumtaxat inita inter illos de utraque Familia, & pro rata vocis sibi ipsis ex dispositione Fundatoris competentis, firma remanente in quacumque vacatione Beneficii altera voce ad dictum Monasterium spectante, unde non est cur

hujus consensus requiri debeat pro validitate hujusmodi concordiae, & transactionis.

Pone casum, quod fiat transactio, & concordia alternis vicibus praesentandi inter dictas Familias, & Abbatem praefati Monasterii absque Beneplacito Apostolico, & absque consensu Monachorum; Quero an illa sustineatur, & afficiat Successores?

7 Respondendum censeo hujusmodi transactionem non esse nullam ex defectu Beneplaciti Apostolici; quia cum per eam non alienatur a Monasterio proprietas Jurispatronatus, sed solum concedatur usus privativè praesentandi dictis Familias in una vacatione cum certitudine quod etiam ipsum presentaret privativè in altera vacatione, non est necessarium Beplacitum Apostolicum, quod solum requiritur, quando alienatur ipsa proprietas Jurispatronatus, ut superius notavi Part. II. Can. XVI. XVII. XVIII. XIX. & XX. Cas. IV. num. 22. non verò quando retenta dicta proprietate Monasterium, aut Ecclesia aliquid dat, aut facit. *Valeron de Transact. tit. 4. quæst. 11. num. 7. Turricell. de reb. Eccles. non alien. cap. 8. num. 17. Rot. decis. 1682. num. 23. coram Coccin. & decis. 48. num. 25. & seq. p. 13. rec.* Neque est nulla ex defectu consensus Monachorum, sed venit annullanda ad horum requisitionem, & instantiam; quia cum Monasterium, cui competit Juspatronatus pro una voce non repræsentetur per solum Abbatem, nec per solos Religiosos, sed per Abbatem simul, & Religiosos, qui simul constituant totum Monasterium ad *Text. in cap. Novit.*, & *cap. Quanto de his, quæ sunt à Prælat.* ibique *Doctores omnes;* & si illam stipulaverit, possunt Religiosi contempti de nullitate excipere, juxta *Text. in cap. Quod sicut de Eleæt.* ibique *Gloss. in verb. consentire;*

8 neque afficere valet Successores in Monasterio, cum Alternativa non afficiat jure proprio vocatos, nisi sit inita ex justa causa, de communi omnium Patronorum consensu, & cum approbatione Ordinarii ad *Text. in cap. De catero,* & *cap. Veniens*

*de transact. Garz. de Benef. par. 5. cap. 1. num. 721. Rot. decis. 300. num. 2. & seq. coram Royas, & decis. 216. num. 10. par. 10. rec.*

R. P. D. C E R R O.

Pistorien. Beneficii.

Ven. 27. Martii 1716.

A D Beneficium sub titulo SS. Justi, & Luciae in Civitate Pistorien. de Jurepatronatus ab antiquo tempore Sebastiani, Francisci, & Josephi fratrum de Vergiolesis vacans de mense Januarii 1707. per obitum Canonici Nicolai de Serpontibus praesentatus fuit Franciscus Maria de Bellincionis à Philippo de Serpontibus, tamquam Patre, & legitimo Administratore Jo: Baptista, & Caroli suorum filiorum haeredum Eulaliae Victoriae de Vergiolesis eorum Matris, ejusque presentationi adhæsit successivè Petrus de Bellincionis, uti Procurator Mariæ Lucretiae filiae Tancredi de Vergiolesis, ac Monasterii Sanctæ Catharinae ex persona quondam sororis Mariæ Virginiae de Vergiolesis, ac pariter uti Procurator sororis Mariæ Felicis Monialis Sanctæ Luciae: E contrà verò Angelus de Bajuchis, tamquam Procurator Mariæ Eleonoræ filiae Philippi Vergiolesi, & Uxor Cæsar de Azzanis, obtenta prius assignatione quatuor mensium ad praesentandum, deinde mense Maji nominavit coram eodem Vicario generali Franciscum Nicolaum de Barillis, declarando hunc actum explere etiam nomine Caroli, & Joannis Baptista de Serpontibus, tamquam Patronorum alterius medietatis in vim cuiusdam alternativæ initæ de anno 1705.; Quare orta controversia inter utrumque Praesentatum coram Ordinario, iste confirmavit per Sententiam institutionem jam Bellinciono concessam, quæ cum revocata fuerit contrario Judicio Vicarii generalis Archiepiscopi Florentini, ac rursus alterius Judicis, cui causa per Breve fuerat delegata, provocante tandem Bellinciono ad Rotam, proposui in Audientia diei sexta labentis mensis Dubium = An, & cui esset adjudicandum Beneficium, = & illius resolutio, tunc dilata ad instantiam Francisci de Barillis, hodie

hodie capta fuit sub rescripto *Beneficium esse adjudicandum Franciso Mariae Bellinciono*:

9. Cùm enim iste majores pro sui nominatione numeret Patronorum voces, quidem illorum, qui in quasi possessione præsentandi reperiebantur, nedum vigore statuum præcedentium, sed etiam ultimi, qui solum attenditur in hac materia pro regulanda quasi possessione Jurispatronatus juxta passim animadversa per *Rota in Cremonen. Beneficij 4. Februarii anni præteriti §. Quandoquidem coram me, & in Casertana Beneficij 27. Martii subsequentis §. Docuit cum seqq. coram Eminentissimo Domino Cardinale Scotto*, nullo valido jure potuit illi retardari institutio *ad Text. in cap. Quoniam de Jurepat., Rot. coram Seraph. decis. 678. num. 2., & in Bononien. Beneficiorum de Castello 12. Decembris 1712., §. Institutio coram R.P.D. meo Crispo, & in Comen. Jurispatronatus 11. Martii anni proximè elapsi §. fin. coram me.* Est namque veluti illius fructus, quo nullatenus privari debet is, qui bona fide in ea reperitur *Rota in Melevitana. Jurispatronatus 31. Martii 1702. §. Minusque coram Eminentissimo Scotto, & in Placentina Parochialis 22. Martii anni præteriti §. Quare cùm nos coram me.*

Quòd verò Franciscus Maria Præsentatus fuerit à majori Patronorum numero, qui in quasi possessione præsentandi sunt constituti in vim ultimi status, indè patet, quia noscitur Præsentatus à Maria Lucretia de Vergioleſis eius Matre, & filia Tancredi de Vergioleſis, ac à sorore Maria Felice Victoria filia Philippi Vergioleſis, & Moniali in Monasterio Sanctæ Luciae, nec non à Philippo de Serpontibus, uti Tute, & Curatore Caroli, & Jo: Baptista suorum filiorum, & hæredum Eulaliae Victoriae de Vergioleſis filia dicti Philippi, qui omnes in novissimo statu anni 1706. presentarunt Canonicum Nicolaum de Serpontibus. Quapropter cum hic vigore præsentationum hujusmodi promeruerit canonice institui, ac Beneficio usque ad obitum frui, non est controvertibile remanere sic firmatum ultimum statum, ac Patronos constitutos legitimè fuisse in quasi possessione præsentandi *Rot. in Aretina. Jurispatronatus 22. Junii 1701, §. Constat coram cl. me.*

*Card. Caprara, & in d. Bononien. Beneficiorum de Castello 2. Maji 2712. §. Ex quatuor coram R.P.D. meo Crispo.*

Verùm si sola quasi possessio Patronorum vigore ultimi status esset de per se sufficientissima: validius valde illa constabatur ex assistentia statuum antecedentium: nam de an. 1705. Dominicus de Bellincionis fuit institutus in hoc Beneficio ad præsentationem d. Mariæ Lucretiae filia Tancredi, ac d. Mariæ Felicis Monialis, excluso Canonico Nicolao de Serpontibus præsentato à filiis Mariæ Eulaliae, ac à Maria Eleonora: Rursus de an. 1689., quo vivebat Bellus Vergioleſi, qui æquali voce potiebatur una cum Tancredo, & Philippo ejus fratribus institutus fuit Joseph de Flaschis veluti nominatus à Bello, ac à filiabus d. Philippi, & sic vincens Jo: Bellincionum, qui præsentatus fuerat à Maria Lucretia ejus Matre, & filia dicti Tancredi: Et insuper omissis antiquioribus anno 1670., tum Maria Lucretia prædicta, quām filia memorati Philippi præsentarunt Canonicum Honuphrium de Panuzzis cum subsequito effectu institutionis ad exclusiōnem Præsentati à Curatore dicti Belli tunc absensis, itaut respectu vocum Philippi, & Tancredi, eorumque respectivè filiorum fortius quasi possessio præsentandi corroboratur, dum comperitur ex tot statibus antecedentibus confirmata *Rot. in dicta Bononien. Beneficiorum de Castello, §. Hac juris præsumptio coram R. P. D. meo Crispo, & 9. Junii 1713., §. Atque hæc coram R. P. D. meo Ansaldo, & in Papien. Rectoria 10. Decembris 1714. §. Prædictus coram me.*

Quinimo cùm Franciscus Maria calculet sui favore etiam vocem Mariæ Lucretiae Matris, quæ in statu anni 1689. præsentavit Joannem Bellincionum contradictorem Josephi de Flaschis iubindè instituti, ac voces filiorum Mariæ Eulaliae, qui in statu an. 1705. præsentaverant Nicolaum de Serpontibus succubentem in concursu Dominici de Bellincionis, quæque ponenda sunt in calculo, licet utraque præsentatio effectum fortita non fuerit ob concursum majoris partis Patronorum favore alterius Compræsentati, & apta sunt conservare non minùs Mariam Lucretiam, quām filios Mariæ Eulaliae

liæ in quasi possessione præsentandi, ut in specie notavit *Rota in Faventina Parochialis* 6. *Maji anni præteriti* §. *Tertius coram R. P. D. Lancetta*, libentiū ei adjudicandum est controversum Beneficiū, utpote suffulto plenioribus Patronorum suffragiis, quām fuerint Beneficiati antecessores, qui nihil tamen minus obtinuerunt institui *Rot. in Cassanen. Beneficii* 27. *Martii 1713.* §. *Dubitari coram R.P.D. meo Crispo*, & in *Mediolanen. Beneficii* 7. *Junii anni proximè effluxi* §. *Militat coram eodem*, & in *d. Faventina Parochialis loco mox allegato*.

Irritis autem conatibus excludi contendebatur à Patronorum numero Maria Lucretia, eò quia non præsentaverit viante Philippo Patruo, eoque defuncto in duobus statibus annorum 1670., & 1689. filiæ Philippi constitutæ essent in minori ætate nec ideo habiles ad contradicendum illius præsentationibus: Pertinentia enim prædicta abundè liquet tam ex statibus præcedentibus, dum ejus Pater, cæterique Progenitores ad controversum Patronatum semper præsentarunt, ut ex datis in *Summario Bellincioni* à num. 1. ad 4., cum quibus concordant status annotati in præinserta arbore, quam ex *Judicio Ordinarii lato super statu anni 1670.*, in quo unà cum filiis, & hæreditibus Philippi fuit canonizata Patrona etiam Maria Lucretia filia, & hæres Tancredi, & in illius sequelam hujusmodi possessio confirmata remanserit ex præsentationibus ejusdem Mariae Lucretiae in recentibus vocationibus annor. 1705., & 1706., insimul cum filiabus dicti Philippi, ipsisque nullo modo contradicentibus, quæ unicè satis essent, nè exceptio isthæc attendi debeat in hoc judicio professorio *Rot. in Cremonen. Beneficii* 14. *Maji 1706.* §. *Tanto facilius coram Reverendiss. Kaunitz.*

Quæ cùm ita sint nullius obstaculi comperta fuit quædam alternativa inita d. anno 1705. inter Mariam Eleonoram, & filios Mariæ Eulaliæ, ad hoc, ut jus præsentandi ad istud Beneficiū prima vice spectaret ad Carolum, & Jo: Baptistam de Serpontibus filios dictæ Eulaliæ, cumque descendentes masculos, & alia vice ad dictam Mariam Eleonoram, ejusque pariter descendantiam masculinam,

adedūt Turnarius de tempore sui Turni præsentare posset finē interventu alterius Patroni, perinde ac si esset unicus Beneficii Patronus, unde arguebant Scribentes pro Francisco Nicolao, quod consumpto in præcedenti vacatione Turno filiorum dictæ Eulaliæ jus præsentandi hodie integrè spectet ad Mariam Eleonoram, quæ nominavit eundem Franciscum Nicolaum de Barillis. Animadversum namque fuit, memoratam alternativam vel nullis viribus subsistere, vel ea etiam admissa, adhuc esse in tuto jura Bellincioni pro assequenda Beneficii adjudicatione.

Non inquam dicta alternativa potuit viribus subsistere: Illa enim præferens dumtaxat tractatum habitum ab illis de Serpontibus per epistolas cum Maria Eleonora absente, & Cæsare Azzano suo viro stipulata legitur sub ea explicita legge, ibi = *La presente alternativa non abbìa luogo, se non quando resterà, come sopra, accettata dalla detta Signora Maria Eleonora, e Sig. Cesare Azzani, e che validamente si obblighino à forma della presente, e in non altrimenti, né in altro modo.* Unde propterea cùm de tempore vacationis anni 1706. de mense Aprilis adhuc non supervenisset requisitus consensus dictæ Mariæ Eleonoræ, nullam potuerat validitatem acquirere, tanquam ob non impletam conditionem, sub qua alternativa fuerat stipulata, quæ actum suspendit usque ad tempus acceptationis, & ab illo solùm incipit observantia contractus *Gratian. discept. 307. num. 8.*, *Rot. in rec. decis. 316. num. 6. par. 16.*, & *decis. 215. num. 1. par. 18.*, & *coram R.P.D. meo Ansaldo, decis. 98. num. 8.*

12 Neglecta prorsus responsione, quod verba prædicta non importent conditio- nem suspensivam Turni, sed modum resolutivum in casu, quo illa non fuisset acceptata, quia cùm inter dispositionem modalem, & conditionalem ea intercedat differentia, ut conditio impedit effectum perfectionis, modus vero actum resolvat post perfectionem contractus, ut de prima dixit *Rot. coram Coccin. decis. 1856. num. 6.*, & de secundo eadem *Rot. decis. 62. num. 1. part. 18. recent.*, nulla justa ratione contextus dd. verborum potest interpretari pro modo resolutivo, quan-

quando Contrahentes fuerunt adeò solliciti, ut noluerint alternativam locum habere, nisi ubi acceptaretur à Maria Eleonora, ut probant auctoritates supra re-

13 censitæ, & est etiam de Jure, quia cùm alternativa sit contractus, impossibile est istum perfici, nisi ex mutuo Contrahentium consensu, & quousque non supervenit utriusque consensus, semper remanet in suspenso Bald. in leg. multum interest num. 25. Cod. si quis alter, vel sibi Rot. in recent. decis. 845. num. 2. part. 5., & in Castellana Validitatis Concordia, seu Bipartita 12. Januarii 1705. §. Posto, & in Cabilonen., seu Ordinis Cistercien. Jurisdictionis 3. Junii 1709. §. Minime coram Reverendiss. D. meo Molines.

Quòd clariùs proprio facto comprobavit ipsa Maria Eleonora, quæ in dicta vacatione anni 1706. dum non adhuc dictum alternativæ contractum acceptaverat non solum legi ibidem adjectæ non obtemperavit, permittendo, quòd Turnus ab illa vacatione inciperet in filios dictæ Mariæ Eulaliæ, sed contra illius substantiam devenit ad actum nominationis pro portione, & rata aedam spettante, & pertinente, quemadmodum pro eorum portione, & rata nominarunt filii Mariæ 14 Eulaliæ: Quocirca sicuti substantia dicti contractus alternativæ, ubi verè fuisset ad perfectionem perductus, hoc exigif-  
set, ut jus nominandi pro prima vice, seu Turno in totum spectaret ad filios Mariæ Eulaliæ, nec illa licet Compatrona, veluti carens Turno, ullam vocem potuisset sibi asserere juxta communiter tradita per Joann. Andr. in cap. cùm in illis sub num. 2. reprehend. in 6. Lambert. de Jurepat. lib. 1. par. 2. quæst. 2. art. 36. num. 6., & 7., Gonzal. ad regul. 8. gloss. 45. §. 1. num. 16., & §. 2. num. 42., Rot. in recent. decis. 14. num. 2. part. 12., & in Monastérien. Canoniciatus 11. Martii 1707. §. Fuit siquidem coram Eminentiss. Scotto, & in dicta Placentina Parochialis 22. Martii anni præteriti §. Subfultus coram Me. Ita dum nominare voluit pro sua rata, & portione contracundo pacto concordiæ, nunquam dicitur illam servare voluisse Rota decis. 262. num. 1. part. 2. divers., & in Januen. Abbatiae 10. Martii 1692. §. Cæterum coram bon. mem. Manuel, & propria declaratione ostendit in ea vacatio-

ne noluisse uti alternativa, aut illi principium dare juxta notata in specie per Modern. Roman. discept. Eccles. 53. nu. 20., Rot. coram Royas decis. 300. num. 8.

Alia etiam nullitate scatebat supradictum Instrumentum alternativæ, quia nempe suppositum fuit jus præsentandi integrè spectare ad filios Philippi Verghiolesi, & sub hoc fundamento fuit alternativum divisum inter illos de Serpontibus filios Eulaliæ, ac Mariam Eleonoram, quod pœnitius corruit ex supra latè demonstratis, ubi ostensum fuit ad filios dicti Philippi pertinere dimidiam tantum partem, residente alia medietate poenes Mariam Lucretiam, uti filiam Tancredi; 15 Unde promanat, quòd alternativa facta tantum inter filios Philippi, qui solum medietate Jurispatronatus pollebant, nequaquam valeat sustineri, tanquam per deficientiam consensus dictæ Mariæ Lucretiæ alterius Patronæ, qui etiam pro actus validitate requirebatur ad firmata per Rocc. de Curt. de Jurepat. in verbo jus num. 11., Marant. respons. 14. num. 53. tom. 3., & respons. 29. num. 24., & seqq. tom. 5., Carol. Anton. de Luc. de lin. legal. art. 24. num. 21., Rot. in Hispanen. Divisionis Simultaneæ 4. Junii 1700. §. 1. coram Eminentiss. Priolo. Absque eo quòd ista nullitas possit evitari ex quadam nova alternativa inita die 10. Decembris 1707., in qua agnito jure etiam Mariæ Lucretiæ fuit & ipsa admissa ad Turnum finè præjudicio tamen præcedentis alternativæ respectu controversæ vacationis; Etenim cùm ea evenerit non solum post apertam præsentem vacationem, sed insuper post sequutam præsentationem Francisci Mariæ, de qua modo res est, neutiquam potuit illi aliquod ex ea præ- 16 judicium irrogari, cùm notissimi juris sit Patronum expleta præsentatione non posse quidquam præjudicare Præsentato, vel aliquid de ejus juribus diminuere Capon. discept. 74. num. 16., Barbos. de potest. Episc. alleg. 72. num. 126., Rot. in Volaterrana Beneficii 28. Januarii 1709. §. Ex pluribus coram R.P.D. meo Crispo.

Tametsi verò satís probata videri possit nullitas dictæ alternativæ, nihilominus jura Francisci Mariæ erant adhuc in tuto etiam omissa omni indagine super dicto contractu inito inter filios præfati Philip- pi;

pi; quandoquidem cùm, ut toties repetitum fuit, isti non constituant nisi medietatem vorum in hoc Jurepatronatus, ac alia medietas omnimodè spectet ad Mariam Lucretiam filiam Tancredi, hinc sit consequens, quòd Franciscus Maria uti nominatus à Maria Lucretia Matre habere dicatur extra controversiam medietatē tem vorum, quæ sola sufficit, ut tanquam filius Compatronæ in paritate vorum præferatur alteri Contradictori prorsus extraneo juxta æquitatem commendatam à gloss. in *Can. neminem distin.* 60., de qua Vivian. de *Jurepatr. lib. 14. cap. 2.* num. 64. Adden. ad *Pampbil. decis. 294.* na. 11. Rot. coram *Ubald. decis. 339.* n. 7., & in *Alatrina Jurispatronatus 15. Junii 1705.*, & 7. Decembris ejusdem anni coram Eminentiss. Scotto, & in *Sorana Jurispatronatus super Institutione 27. Januarii 1710.* §. Et quatenus coram eodem, & 22. Januarii 1712. §. fin. coram R. P. D. meo Falconerio. Quin gratificatione ei invocum paritate debita indignum se reddiderit, ex quo pendente termino ad appellandum controversi Beneficii possessionem nactus fuerit, & proinde inciderit in pœnam *Cap. Avaritiae de elect.* in 6, quod procedere etiam in Præsentatis ad Beneficia inferiora, dixit Rota coram R. P. D. meo *Ansaldo decis. 95. num. 13.* Siquidem quidquid sit, an Franciscus Maria verè occupaverit Beneficii possessionem, pœna in dicto Capitulo comminata vindicat solum sibi locum, ubi Præsentatus in vim solius nominationis possessionem Beneficii propria auctoritate usurpasset, secus verò ubi illa apprehendatur, ut in præsenti, post Institutionem ab Ordinario legitimè reportatam, ut distinguit *Lotter.* de re Benefic. lib. 2. quæst. 13. n. 13., & 14. Corrad. in prax. Benef. lib. 4. cap. 6. n. 16., Vivian. de *Jurepatr. lib. 20. cap. 8.* n. 12., & seqq., & firmavit Rot. in rec. decis. 22. n. 15., & 16. part. 16.

Et ita utraque &c.

### ARGUMENTUM.

Ordinato Turno, seu alternativa super Jure præsentandi inter Patronos, si Præsentatus ab existente in Turno cedat, aut decedat ante

Institutionem, an Turnus datur consumptus adeò ut sit locus Turno favore alterius Patroni.

### S U M M A R I U M.

- 1 *Præsentatio ineffectuata an consumat Turnum?* vide ibi, & num. 2.
- 2 *Enumerantur modi, quibus evenire potest ineffectuatio præsentationis.*
- 3 *Præsentatio ineffectuata ex eo, quia Præsentatus cesserit, aut dececerit ante institutionem non consumit Turnum, & numer. 7.*
- 4 *Præsentatio ineffectuata ex impedimento injūiè præstito ab ipso Collatore, aut ab altero Compatrono, cui competit successivus Turnus, non consumit Turnum.*
- 5 *Provisio Apostolica facta in Turno unius Patroni, an illum consumat?*
- 6 *Præsentatio ineffectuata ex culpa, & negligentia Patroni Turnarii, an consumat illius Turnum?*
- 7 *Auctoritas Gonzal. super Regul. 8. Cancell. gloss. 45. §. 3. num. 12., & Card. de Luc. de Regul. disc. 4. num. 3., quo sensu procedat?* vide ibi.
- 8 *Vacante Beneficio in Turno unius Patroni de communi consensu simul præsentaverint in illo, Turnus illius Patroni non consumitur.*
- 9 *Divisio Jurepatronatus passivo inter duo genera Personarum per Turnum, si in vacazione Beneficii non existat ullus qualificatus de primo genere Personarum, ad quod spectat Turnus, & præsentatio fiat de Persona secundi generis, per hanc præsentationem Turnus secundi generis Personarum non consumitur; imò neutrius, ut num. 12.*
- 10 *Alternativa, seu Turnus dicitur cessare, & suspensus remanere quando non existit ullus de genere Personarum passivè vocato, & num. 13.*
- 11 *Consensus præstitus Permutationi Beneficii à Patrono Turnario, consumit hujus Turnum.*
- 12 *Collatio Beneficii liberè facta ab Ordinario jure devoluto Personæ, cui competit Turnus passivæ nominationis, an illum consumat, vide ibi, & num. 19.*
- 13 *Præsentato à Patrono debetur institutio.*
- 14 *Præsentatus à Fundatore præferendus est Præsentato ab aliis Patronis.*

18 Vo-